



Broj: 02-13-1624/18
Ilidža, 21.03.2018

Na osnovu Izbornog zakona Bosne i Hercegovine („Službeni glasnik BiH“ broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14), član 4. stav 1. Pravilnika o vođenju i upotrebi Centralnog biračkog spisak („Službeni glasnik BiH“ broj: 37/14), člana 90. Statuta Općine Ilidža – Prečišćeni tekst („Službene novine Kantona Sarajevo“ broj: 33/10 i 18/16), Općinski načelnik d o n o s i

ODLUKU O OSNIVANJU CENTRA ZA BIRAČKI SPISAK OPĆINE ILIDŽA

Član 1.

Osniva se Centar za birački spisak Općine Ilidža.
Centar je sastavni dio Službe za opću upravu Općine Ilidža.

Član 2.

Centar za birački spisak uspostavlja se u prostoriji koja će biti vidno označena, opremljena pored ostalog i jednim računarom koji će se koristiti za potrebe centra, telefonskom linijom sa direktnim izlazom, te internet konekcijom i aplikacijom za vođenje Centralnog biračkog spiska.

Član 3.

Obuku zaposlenih u Centru obavlja Općinska izborna komisija Općine Ilidža (u daljem tekstu OIK), na osnovu posebnog plana i programa koji je obavezna donijeti u skladu s planom i programom edukacije organa za provođenje izbora, koje donosi Centralna izborna komisija BiH.

Član 4.

(1) Centar za birački spisak:

- a) pruža tehničku pomoć OIK u određivanju biračkih mjesta na teritoriji Općine Ilidža i raspoređivanju birača po biračkim mjestima, ažurira podatke o biračkim mjestima i promjenama biračke opcije u skladu sa aktima Centralne izborne komisije BiH, vodi evidenciju o svim naseljenim mjestima i nazivima svih ulica na teritoriji općine Ilidža i o svim promjenama obavještava OIK,



- b) prima zahtjeve raseljenih lica za određivanje ili promjenu biračke opcije i putem odgovarajućeg programa vrši obradu zahtjeva,
- c) prima zahtjeve za promjenu biračke opcije lica upisanih u izvod iz Centralnog biračkog spiska za glasanje izvan BiH, a radi se o licima koja su se vratila u zemlju prije roka utvrđenog za zaključenje izvoda iz Centralnog biračkog spiska,
- d) učestvuje u realizaciji izlaganja izvoda iz privremenog Centralnog biračkog spiska
- e) osigurava uvid u izvod iz Centralnog biračkog spiska na teritoriji Općine Ilidža,
- f) osigurava i druge podatke za Centralni birački spisak koji su utvrđeni aktima Centralne izborne komisije BiH,
- g) pruža tehničku pomoć OIK u vezi sa zahtjevima i prigovorima birača koji se odnose na izvod iz Centralnog biračkog spiska,
- h) pruža tehničku pomoć OIK prilikom imenovanja biračkih odbora (pomoć pri žrijebanju, kod izrade akata o imenovanju, obuke biračkih odbora i sl.),
- i) pruža tehničku pomoć OIK prilikom provjere i pripreme biračkih mjesta za izbore,
- j) pruža tehničku pomoć OIK u kampanji obavješćavanja birača o svim segmentima u vezi s izbornim procesom,
- k) pruža tehničku pomoć OIK prilikom objedinjavanja izbornih rezultata na području općine Ilidža, a Centralnoj izbornoj komisiji BiH obavezan je dostaviti rezultate sa svih redovnih biračkih mjesta u elektronskoj verziji, urađenoj u računarskom programu dobijenom od Centralne izborne komisije BiH, za sve nivoe i sve kategorije (po političkim subjektima i kandidatima unutar političkih subjekata) i
- l) druge poslove koje mu odredi Centralna izborna komisija BiH i OIK.

- (2) Centar za birački spisak vodi evidenciju podnesenih zahtjeva i prigovora iz stava (1) tačka g) ovog člana i dužan je čuvati dokumentaciju priloženu uz te zahtjeve i prigovore.

Član 5.

- (1) Općinski načelnik odgovoran je za rad Centra za birački spisak.
- (2) OIK ima pravo izvršiti kontrolu rada Centra za birački spisak.
- (3) OIK će pokrenuti postupak po službenoj dužnosti protiv zaposlenog u Centru za birački spisak koji povređuje prava birača ili političkog subjekta ustanovljena Izbornim zakonom BiH i Pravilnikom o vođenju biračkog spiska.
- (4) Centar za birački spisak podnosi sedmični izvještaj Centralnoj izbornoj komisiji BiH, putem nadležnog OIK.

Član 6.

- (1) Redovno radno vrijeme Centra za birački spisak jednako je radnom vremenu organa uprave Općine Ilidža.
- (2) Ako se u određenom periodu poveća obim posla, Općinski načelnik može samostalno ili na prijedlog OIK, naložiti da Centar za birački spisak radi i duže od redovnog radnog vremena, kao i da radi u neradne dane, u smjenama i sa više izvršilaca.



- (3) Centar za birački spisak je obavezan na pogodan način obavijestiti birače o radnom vremenu ovog Centra.

Član 7.

Ova Odluka objaviće se na web stranici Općine Ilidža.

OPĆINSKI NAČELNIK

Prof. dr. Senaid Memić

Dostavljeno:

1. CIK BIH
2. OIK
3. Služba za opću upravu
4. a/a

